

Mid-Day Dogri News Bulletin, 01st May 2025

समे — 12:25

<><><><><><>

Waves

सूचना ते प्रसारण मंत्री अश्विनी वैष्णव ने आखेआ ऐ जे वेक्स शिखर सम्मेलन कन्नै नमें आर्थिक मौके पैदा होडन। अज्ज मुंबई दे जियो वर्ल्ड कन्वेंशन सेंटर च पैह ले विश्व ऑडियो विजुअल एंटरटेनमेंट समिट (वेक्स) 2025 दे उद्घाटन सत्र गी संबोधित करदे होई श्री वैष्णव ने आखेआ जे एह शिखर सम्मेलन रचनाकारें गी इक वैश्विक मंच प्रदान करग ते उ'नें गी नमीं तकनीक दा अनुभव प्रदान करग। मंत्री ने आखेआ जे एह निर्माताएं गी दुनिया भर दे खरीदारें ते निवेशकें कन्नै जोड़ग। श्री वैष्णव ने अगें आखेआ जे भारती रचनात्मक प्रौद्योगिकी संस्थान दी स्थापना मुंबई च 400 करोड़ रुपें दे वित्तपोषण कन्नै कीती जाग। उ'नें आखेआ, वेक्स ते भारती रचनात्मक प्रौद्योगिकी संस्थान वैश्विक रचनात्मक पारिस्थितिकी तैतर च इक प्रमुख केंद्र दे रूप च मुंबई दी भूमिका गी होर मजबूत करडन। साढ़े इस बुलिटन दी शुरुआत वेक्स शिखर सम्मेलन कन्नै

भारत अज्ज मुंबई च पैहले विश्व ऑडियो-विजुअल मनोरंजन शिखर सम्मेलन यानि वेक्स-2025 दी मेजबानी करग। प्रधानमंत्री नरेन्द्र मोदी होर च'उं दिनें दे इस सम्मेलन दा उद्घाटन कीता। एह समारोह ऑडियो विजुअल ते मनोरंजन उद्योग दे भविष्य उपपर चर्चा लेई इक आलमी मंच उपलब्ध करोआग। सम्मेलन दा विशेष-सार ऐ 'कनेक्टिंग क्रियेटर्स, कनेक्टिंग कंट्रीज'। सम्मेलन दा उद्देश्य भारत गी मीडिया, मनोरंजन ते डिजिटल नवाचार दे वैश्विक केंद्र दे रूप च स्थापित करना ऐ। एहदे च फिल्में, ओटीटी, गेमिंग, कॉमिक्स, डिजिटल मीडिया, आर्टिफिशियल इंटेलिजेंस, प्रसारण ते उभरती तकनीकें गी कन्नै लेइयै इस खेत्तर च भारत दी समर्थ दा प्रदर्शन कीता जाहग। प्रधानमंत्री नरेन्द्र मोदी होर क्रिएटोस्फीयर दा बी दौरा कीता ते इंडिया चैलेंजेस थमां चुने गेदे क्रिएटर्स कन्नै गल्लबात कीती।

<><><><><><>

LG-Meeting

उपराज्यपाल मनोज सिन्हा होरें बुधवारें केन्द्र शासत प्रदेश च मजूदा सुरक्षा स्थिति दी समीक्षा लेई वरिष्ठ अधिकारिण कन्नै उच्च स्तरीय बैठक दी अध्यक्षता कीती। आकाशवाणी जम्मू दे संवाददाता दी रिपोर्ट मूजब उपराज्यपाल होरें आतंकवाद ते एहदे पूरी ढांचे गी जम्मू कश्मीर थमां पूरी चाल्ली खत्म करने लेई सख्त कदम चुक्कने दे निर्देश दित्ते। बैठक च उपराज्यपाल होरें आखेआ जे साढ़े गोआंढी देश थमां निकलने आले आतंकवाद दी जड़ गी खत्म करना जम्मू कश्मीर दे लोकें ते देसै दा सामूहिक संकल्प ऐ ते असेंगी इस मिशन गी पूरा करने लेई संकल्प लैना लोड़चदा। उपराज्यपाल होरें पुलस गी आखेआ ऐ जे ओह आवेर ग्राउंड वर्करें खलाफ सख्त कारवाई करन, जेहड़े आतंकवादिएं गी रसद उपलब्ध करोआंदे न।

<><><><><><>

LoC Firing

जम्मू कश्मीर च कब्जा रेखा कन्नै लगदे इलाकें च पाकिस्तानी बलें आस्सेआ कीती गेदी गोलीबारी दा भारतीय फौज आस्सेआ बनकदा परता दित्ता गेआ। रक्षा सूत्रें दस्सेआ ऐ जे

पाकिस्तानी बलें कुपवाड़ा, उड़ी ते अखनूर सेक्टर आली कब्जा रेखा कन्नै नगदे इलाकें च संघर्ष विराम दी खलाफवर्जी करदे होई गोलीबारी कीती। जेहदे च भारतीय जुआनें बनकदा परता दित्ता।

<><><><><><>

Shah-Labour Day

गृहमंत्री अमित शाह होरें विश्व श्रमिक दिवस पर मुल्खे दे सारे कम्मगारें गी बधाई दित्ती ऐ। शाह होरें इक सोशल मीडिया पोस्ट च आखेआ जे विकसित भारत दा संकल्प साकार करने आस्तै दिन रातीं मेहनत करने आले मजदूर लोकें दा जीवन सौक्खा बना'रदे न ते अपनी सख्त मेहनत ते समर्पण कन्नै अर्थबवस्था गी मजबूत करा'रदे न। कम्मगार गी राष्ट्र निर्माण दा सशक्त थम्म दस्सदे होई शाह होरें जकीन दोआया जे सरकार मजदूर दे कल्याण ते खुशहाली लेई वचनबद्ध ऐ।

<><><><><><>

Dy.CM-Public Darbar

उपमुख्यमंत्री सुरिन्दर चौधरी होरें नौशेहरा च भवानी—ए पंचैत च लोकें तगर पुज्ज बनाने आले इक शिविर च हिस्सा लैता। इस दरान मकामी लोकें केई सारी मंगें गी उंदे अगगे रखेआ, जेहदे च बाढू बंकर बनाना, जम्मू कश्मीर बैंक दी शाखा ते एटीएम सुविधा बगैरा शामिल हा। उनें भवानी थमां किला दरहाल तगर दी शिड़क लेई मुआवजा देने दी बी मंग कीती। उपमुख्यमंत्री होरें मकामी लोकें गी भरोसा दोआया जे उंदी जायज मंगें गी समें सिर हल कीता जाग। उपमुख्यमंत्री होरें भवानी—ए पंचैत घर दे निर्माण लेई नीह पत्थर बी रखेआ। एहदा निर्माण 30 लक्ख रुपे दी अंदाजन जागत कन्नै राष्ट्रीय ग्राम ज़वराज अभियान तैहत कीता जाग। इस मौके पर उनें किट्ठे गी संबोधत बी कीता।

<><><><><><>

Sakeena-Greetings

शिक्षा मंत्री सकीना इत्तू होरें 12मीं जमात पास करने आले विद्यार्थिएं गी मुबारकबाद दित्ती ऐं कल 12मीं जमात दे नतीजे घोशत कीते गे। अपने सनेए च सकीना इत्तू होरें विद्यार्थिएं दी मेहनत, उंदी निष्ठा ते पढ़ने दी उंदी ललक दी सराहना कीती। मंत्री होरें कुड़िएं दी जागतें थमां बेहतर कारकरदगी दस्सने लेई सिफ्त कीती। कुड़िएं दी पास होने दी फीसद ते शीर्ष थाहर च बी कुड़िएं बेहतर कीता ऐ। उनें आखेआ जे कुड़िएं हर क्षेत्र च बेहतर करा'रदियां न। ओह बच्चे जेहड़े इनें मतेयानें च बेहतर नेई करी सके, उनेंगी बी पढ़ने ते होर बेहतर करने लेई प्रेरित कीता। उनें इनें बच्चें गी आखेआ जे ओह भविष्य दे होर मौकें पर ध्यान केन्द्रित करन ते लगगे रौहन।

<><><><><><>

Secy Health-Baltal

औंदी श्री अमरनाथ जी दी यात्रा दरान सेहत सरबन्धी सहूलतें दा जायजा नैने लेई सेहत ते मैडिकल शिक्षा मैहकमे दे सचिव डॉ. सर्ईद आबिद रशीद शाह होरें बालताल आले आधार शिविर ते सोनामर्ग स्थित बुनियादी सेहत केन्द्र दा दौरा लाया। सचिव होरें आधार शिविर बालताल च 100 बिस्तरे दी समर्थ आले अस्पताल च मैडिकल सहूलतें ते पीएचसी सोनामर्ग दे बक्ख—बक्ख सीगें दा दौरा लाया ते सहूलतें दा जायजा लैता। उनें यात्रा शुरू होने थमां पैहले सारी मैडिकल सेवाएं आली सहूलतें गी पूरा करने दी जरूरत पर जोर पाया। उनें

बालताल आधार शिविर ते बुनियादी सेहत केन्द्र सोनामर्ग बश्कार तालेमल बनाई रखने पर बी जोर पाया।

<><><><><><>

Haj Committee

हज्ज कमेटी नै बुधवार इस ब'रे श्रीनगर थमां हज्ज यात्रा करने आले श्रद्धालुएं दे पैहले जत्थे लेई ब्हाई डोआरी दी जानकारी सांझी कीती ऐ। आकाशवाणी जम्मू दे संवाददाता दी रिपोर्ट मूजब अधिकारिक अधिसूचना दे मताबक पैहली डोआरी(एसजी-5304) 4 मई गी अपनी डोआरी भरग। पैहली डोआरी आले श्रद्धालुएं गी आखेआ गेआ ऐ जे ओह जाने आले दिन हज्ज हाउस, बेमिना श्रीनगर च बडलै 5 ते साढ़े 5 बजे दे बिच्च दस्सिये जान। बाकी बचे दे श्रद्धालुएं गी ब्हाई डोआरी दे बारे जानकारी बक्खरी सांझी कीता जाग। इस ब'रे 36 सौ थमां बद्ध श्रद्धालुएं जम्मू कश्मीर थमां सरकारी कोटे अंदर हज्ज यात्रा करा करदे न।

<><><><><><>